



## ҮНДЭСНИЙ АУДИТЫН ГАЗАР

15160 Улаанбаатар хот, Чингэлтэй дүүрэг  
Бага тойруу-3, Засгийн газрын IV байр  
Утас:26-04-37, Факс:51-26-42-30  
E-mail: info@audit.gov.mn

ЗӨВЛӨХИЙН ҮЙЛЧИЛГЭЭ ҮЗҮҮЛЭХ  
ХҮСЭЛТЭЙ ХУВЬ ХҮН/БАГ/, ХУУЛИЙН  
ЭТГЭЭДЭД

2021.09.16 № 03/2106  
танай \_\_\_\_\_-ны № \_\_\_\_\_-т

Шинжээч сонгон шалгаруулах  
зар хүргүүлэх тухай

Үндэсний аудитын газар нь “Төрөөс эмийн талаар баримтлах бодлогын хэрэгжилт, үр нөлөө”-нд хийх гүйцэтгэлийн аудитын хүрээнд “Хүн амд зориулсан эмийн импорт, түүнд тавих хяналтын тогтолцоонд судалгаа, дүн шинжилгээ хийх, дүгнэлт гаргах, зөвлөмж боловсруулах, мэргэжлийн тусалцаа үзүүлэх” зорилгоор шинжээч сонгон шалгаруулж, гэрээ байгуулан хамтран ажиллахаар төлөвлөж байгаа тул зөвлөхийн үйлчилгээ үзүүлэх хүсэлтэй хувь хүн/баг/, хуулийн этгээдийг мэдээллээ ирүүлэхийг урьж байна.

Энэхүү үйл ажиллагаа нь Монгол Улсын Ерөнхий аудиторын 2020 оны А/82 дугаар тушаалын хавсралтаар батлагдсан “Шинжээч сонгон шалгаруулах, гэрээ байгуулах, дүгнэх, гүйцэтгэсэн ажлын чанарыг хянах журам”-ын хүрээнд хэрэгжих болно.

Эмийн үйлдвэрлэл, бүртгэл, түгээлт, хадгалалт, үнэ бүрдэл, чанар, хүртээмж, зохистой хэрэглээ, хяналтын тогтолцооны үр нөлөөнд судалгаа хийж, дүгнэлт гаргах судалгаа, эрдэм шинжилгээний ажил хийсэн туршлагатай, эм зүйн чиглэлээр мэргэшсэн хүний нөөц бүхий баг, хуулийн этгээдийг аудитад шинжээчээр ажиллуулах шаардлага үүссэн бөгөөд шинжээч нь Монгол Улсад сүүлийн 5 жилийн хугацаанд импортолсон хүн амд зориулсан эм, эмнэлгийн хэрэгсэл, эмийн бүртгэл, түүнд тавих хяналтын тогтолцоо, өнөөгийн байдал, эрх зүйн орчинд дүн шинжилгээ хийж, бүртгэл судалгаа, хэрэгжилт, хяналт, зохицуулалт, бодлогын чиг үүрэг бүхий төрийн байгууллагуудын үйл ажиллагааг хамруулж, тус зөвлөх үйлчилгээг 2 хүртэл сарын хугацаанд гүйцэтгэх ба дараах ажилбаруудыг хэрэгжүүлж, аудитын талбарын болон тайлагналын үе шатны үйл ажиллагаанд шаардлагатай мэргэжлийн, шинжлэх ухааны үндэслэлтэй санал, дүгнэлт гарган, зөвлөмж боловсруулна. Үүнд:

- Импортын эмийн бүтээгдэхүүнд Дэлхийн эрүүл мэндийн байгууллагаас өгсөн зөвлөмжийн дагуу Эмийн бүртгэлийн дүрмийг боловсруулан мөрдүүлсэн эсэх, түүнд тавих хяналтын үр нөлөөг судлах, дүгнэлт гаргах, цаашид авах арга хэмжээний санал боловсруулах;
- Эм, эмнэлгийн хэрэгсэл, биологийн идэвхт бүтээгдэхүүний импорт, түүний үр дүнд шинжилгээ хийх, дүгнэлт, зөвлөмж боловсруулах, цаашид авах арга хэмжээ, сайжруулалт хийх арга замын талаар тодорхой санал боловсруулах;
- Оношилгоо, эмчилгээнд хэрэглэх эм, эмнэлгийн хэрэгслийн сонголт хийсэн байдал, гаргасан санал, зөвлөмжид дүн шинжилгээ хийх, дүгнэлт, зөвлөмж боловсруулах, цаашид авах арга хэмжээ, сайжруулалт хийх арга замын талаар тодорхой санал боловсруулах;

- Импортын биологийн идэвхт бүтээгдэхүүнийг бүртгэх, түүнд өөрчлөлт оруулах асуудлыг эмийн үндэсний бодлогын хүрээнд шийдвэрлэсэн байдалд дүн шинжилгээ хийх, дүгнэлт, зөвлөмж боловсруулах, цаашид авах арга хэмжээ, сайжруулалт хийх арга замын талаар тодорхой санал боловсруулах;
- Монгол Улсад анх удаа бүртгэж байгаа импортын шинэ эмүүдийн бүртгэлийн шалгуур үзүүлэлтүүдийг хэрхэн хангасан болон эмнэлзүйн судалгаа хийсэн байдалд дүн шинжилгээ хийх, дүгнэлт, зөвлөмж боловсруулах, цаашид авах арга хэмжээ, сайжруулалт хийх арга замын талаар тодорхой санал боловсруулах зэрэг болно.

Шинжээч нь ажлын даалгаварт тусгасан ажлыг чанарын өндөр түвшинд гүйцэтгэж, ажлын үр дүнг илтгэсэн шинжээчийн тайлан бичиж, гэрээнд заасан хугацаанд аудитын багт хүлээлгэн өгнө.

Иймд мэдээллээ ирүүлж буй зөвлөх шинжээч нь дээрх зөвлөх үйлчилгээг гүйцэтгэхээ илэрхийлсэн албан хүсэлт ирүүлэхээс гадна дараах мэдээллийг ирүүлнэ. Үүнд:

Хуулийн этгээд бол:

- Улсын бүртгэлийн гэрчилгээний хуулбар;
- Татварын өргүй тухай тодорхойлолт/;
- Нийгмийн даатгалын шимтгэлийн өргүй тодорхойлолт/;
- Шүүхийн төрөлжсөн архивын тодорхойлолт;
- Гүйцэтгэсэн ижил төстэй зөвлөх үйлчилгээний 2018,2019,2020 оны мэдээлэл;
- Ажилтны анкет, боловсрол, мэргэшлийн гэрчилгээний хуулбар;
- Ажилтны нийгмийн даатгалын цахим лавлагаа /сүүлийн 1 жилээр/;
- Сүүлийн 2 жил /2019, 2021 он/-ийн санхүүгийн тайлан аудитын дүгнэлт.

Хувь хүн/баг бол:

- Иргэний үнэмлэхийн хуулбар;
- Анкет /CV/;
- Боловсрол, мэргэшлийн гэрчилгээний хуулбар;
- Гүйцэтгэсэн ижил төстэй зөвлөх үйлчилгээний мэдээлэл /сүүлийн 3 жилээр/;
- Багийн гишүүдийн хамтран ажиллах гэрээ /нотариатаар баталгаажуулсан/;

Шинжээч нь тухайн аудитад оролцоход ашиг сонирхлын зөрчилгүй, хувь хүн, байгууллага, албаны болон төрийн нууцыг задруулахгүй гэдгээ бүрэн илэрхийлж, эм зүйн чиглэлээр үйл ажиллагаа явуулдаг нийгэмлэг, холбоод, төрийн бус байгууллагууд болон эм, эмнэлгийн хэрэгсэл үйлдвэрлэгч, борлуулагч, бусад хамаарал бүхий этгээдээс гэрээт ажил үүрэгт нөлөөлөхүйц аливаа харилцаанаас ангид байж, гэрээгээр хүлээсэн үүргээ тэгш шударгаар хэрэгжүүлж, Үндэсний аудитын газартай нэгдмэл сонирхолтойгоор хамтран ажиллана.

Шинжээчид тавигдах шаардлага, ажлын туршлага: Үүнд:

Хуулийн этгээд (түншлэл)-ийн хувьд:

- Зөвлөх үйлчилгээ үзүүлж байсан ажлын туршлагатай байх;
- Эрүүл мэндийн салбарын хууль, тогтоомж, норм, нормативын баримт бичигт судалгаа хийж, холбогдох мэргэжлийн дүгнэлт гаргаж байсан туршлагатай байх;
- Төрөөс эмийн талаар гаргасан бодлогын хэрэгжилт, эмийн үйлдвэрлэл, бүртгэл, түгээлт, хадгалалт, үнэ бүрдэл, чанар, хүртээмж, зохистой хэрэглээ, хяналтын тогтолцоог боловсронгуй болгох чиглэлээр судалгаа, эрдэм шинжилгээний ажил

хийж дүгнэлт, зөвлөмж гаргаж байсан, өөрийн судалгаа, шинжилгээний итгэмжлэгдсэн лабораторитой бол давуу тал болно;

- Эм зүйн шинжлэх ухааны эмийн эдийн засаг, маркетинг, эмийн чанар, аюулгүй байдал, эмнэлзүйн эм зүй, эмийн зохистой хэрэглээний талаар судалгаа, шинжилгээ хийх 3-аас дээш хүний нөөцтэй байх;

Ажиллах хүчний шаардлага:

- Эм зүй, эмнэлзүйн чиглэлээр 5 ба түүнээс дээш жил ажилласан, тухай чиглэлээр мэргэшсэн, магистр болон түүнээс дээш боловсролын зэрэг, цолтой байх;
- Мэргэжлийн англи хэлний зохих түвшний мэдлэгтэй байх;

Багийн хувьд:

- Эм зүйн зөвлөх үйлчилгээ үзүүлж байсан ажлын туршлагатай байх;
- Эрүүл мэндийн болон эм зүйн салбарын хууль, тогтоомж, норм, нормативын баримт бичигт судалгаа хийж, холбогдох мэргэжлийн дүгнэлт гаргаж байсан туршлагатай байх;
- Мэргэжлийн англи хэлний зохих түвшний мэдлэгтэй байх;
- Эрүүл мэнд, эм зүйн чиглэлээр судалгаа, эрдэм шинжилгээний ажил хийж дүгнэлт, зөвлөмж гаргасан туршлагатай байх;
- Багийн ахлагч нь эм зүй, эмнэлзүйн чиглэлээр 5 ба түүнээс дээш жил ажилласан, тухай чиглэлээр мэргэшсэн, магистр болон түүнээс дээш боловсролын зэрэг, цолтой байх.

Шинжээч нь Монгол Улсын холбогдох хууль тогтоомжийг үйл ажиллагаандаа мөрдлөг болгон гэрээ, ажлын даалгаварт заасан ажлыг мэргэжлийн болон чанарын өндөр түвшинд хийж, шаардлагатай судалгаа, шинжилгээ, тооцоо, тайлан бусад ажлыг хугацаанд нь үнэн зөв чанартай хийж гүйцэтгэнэ.


Чадварыг нэмэгдүүлж сайжруулах зорилгоор зөвлөхүүд түншлэлийн хэлбэрээр оролцож болох ба Түншлэлийн гэрээ байгуулан баталгаажуулж ирүүлэх шаардлагатай.

Сонирхсон этгээд нь холбогдох мэдээллийг 2021 оны 09 дүгээр сарын 21-ний өдрийн 17 цаг 00 минутаас өмнө авч болох бөгөөд мэдүүлгээ 2021 оны 09 дүгээр сарын 22-ны өдрийн 09 цаг 00 минутын дотор цахим /pdf файл/ хэлбэрээр дараах хаягаар илгээнэ үү.

Үндэсний аудитын газрын Санхүү, хөрөнгө оруулалтын хэлтсийн Худалдан авах үйл ажиллагаа хариуцсан шинжээч Н.Цэнд-Аюуш. [tsend-ayushn@audit.gov.mn](mailto:tsend-ayushn@audit.gov.mn). Гар утас: 88051068. Хугацаа хоцроосон мэдүүлгийг хүлээн авахгүй болно.

Захиалагчийн хаяг: 15160 Улаанбаатар хот, Чингэлтэй дүүрэг,  
Бага тойруу-3, Засгийн газрын IV байр, Үндэсний аудитын газар,  
Утас: 51-263533. [www.audit.mn](http://www.audit.mn)

ТАМГЫН ДАРГА



Ц.ГАНБОЛД